



BREST, PORZ-MOR DISPAR !

*Son nevez savet gant • Eostig Kreisker • deuz Kastel-Paol
ha kanet gant Glaoda Coat, e genvroad
war don : O Breiz-Izel, o kaera bro !*

I
E Breiz-Izel, kement korn bro (*bis*)
Gant levenez, me gano, lon le no, lon le no,
[lon la]
Gant levenez me gano.

II
Me da gar, Brest, porz-mor dispar,
Difennour braz hon Douar.

III
Me gar ive, da Vartoloded,
Tud seder ha kaloneg.

IV
Wardro « Fautras », da soudarded
O vousc'hoarzin vez gwelet.

V
En « Arsenal » da vicherourien
N'eur labourat zo laouen.

VI
Diwar ar Pount Bras, pebeuz gwel
Dre gant, da listri-brezel. (1)

VII
E Santez-Anna ar Porzig
Brao eo ober eun droïg.

VIII
Barz e Kraon, er gourenezen (2)
Na pegen brao eo pourmen.

IX
Pa daolan eur zell war Plougastell
Na kaer ar Pount en dremwell. (3)

X
Warzu Konk-Leon, (4)kit eun dervez
Hag o pezo levenez.

XI
E Ouessant, pebez dudi
Gwelet ar mor o c'hoari.

XII
Kaeroc'h korn-bro war an douar
M'euz ket kavet, m'hel lavar.

Fanch STÉPHAN.

Geriou diez : (1) *listri-brezel*, bâtiments de guerre — (2) *gourenezen*, presqu'île
(3) *en drenwell*, à l'horizon — (4) *Konk-Leon*, Le Conquet.

Reproduction interdite.

